

Dobrodošli u kliniku BreastScreen WA ...

Molimo pročitajte ove važne informacije o kontrolnom snimanju mamograma i popunite priloženi formular kojim dajete svoj pristanak za snimanje PRIJE snimanja vašeg mamograma. Ako imate bilo kakvih pitanja, osoblje u jedinici za snimanje vam može pomoći. Molimo imajte u vidu da u bilo koje vrijeme možete prekinuti postupak.

Nešto o programu kontrolnog snimanja dojki

Cilj programa za kontrolno snimanje dojki je da se smanji broj smrtnih slučajeva od raka dojke. Mamogram (rentgenski snimak dojke) je najbolja metoda kojom sada raspolažemo za pronalaženje rakova dojke kada su još premali da bi se mogli napipati. Što se ranije postavi dijagnoza raka dojke, to su bolje šanse za uspješno liječenje.

Program BreastScreen WA se usredsređuje na rano otkrivanje raka dojke. O promjenama koje se vide na vašem mamogramu, ali za koje se ne smatra da su znakovi raka dojke, ne priprema se izvještaj.

Trenutni medicinski dokazni materijali pokazuju da je kontrolno snimanje najkorisnije za žene u starosti od 50 do 74 godina. Što ste stariji, vaše šanse da dobijete rak dojke su sve veće. Skoro 70% rakova dojke javlja se kod žena starijih od 50 godina. Redovni kontrolni mamogrami mogu smanjiti smrtnu slučajevu među tim ženama za oko 30%. Snimanje kontrolnih mamograma kod žena ispod 50 godina je manje korisno.

Kako se snima mamogram?

Bit ćete zamoljeni da se svučete do pojasa i dobit ćete presvlaku za snimanje. Specijalna stručno osposobljena rentgenska tehničarka će obaviti snimanje vašeg mamograma.

Dok se snima mamogram, dojka se na par sekundi čvrsto pritisne da bi se dobila jasna slika. To može biti neugodno.

Obično se snime po dvije rentgenske snimke svake dojke, nekad treba snimiti i više snimaka.

Ko čita mamograme?

Rezultat vašeg mamograma bit će zasnovan na sporazumnom mišljenju najmanje dva ljekara - specijalista (radiologa), koji su veoma iskusni u čitanju mamograma. Svi mamogrami se čitaju nezavisno. U nekim slučajevima, ako se prva dva radiologa ne slože u mišljenju, vaš mamogram će pročitati treći radiolog.

Šta ako trebam otići na ponovno rentgensko snimanje?

U rjeđem slučaju, ako dobiven snimak nije dovoljno jasan, radiolog će zatražiti da se ponovi rentgensko snimanje. Ako to bude potrebno, dobit ćete telefonski poziv ili pismo s molbom da se vratite. To ponovno rentgensko snimanje će se obaviti u klinici za kontrolno snimanje.

Dostava rezultata

Većini žena će u roku od 14 dana biti poslato pismo da je sve u redu. Nije neobično da se žene pozovu nazad na dalje testiranje. Ako to bude potrebno, medicinska sestra za

kontrolni pregled dojki u BreastScreen WA će s vama o tome porazgovarati preko telefona. U većini slučajeva ti testovi ne pokažu nikakav dalji problem koji bi trebalo ispitati.

Ženama čije je kontrolno snimanje obavljeno u gradskom području ponudit će se zakazan termin u centru za kontrolni pregled, gdje će se obaviti dodatno mamografsko snimanje ili, ako je to potrebno, drugi testovi.

Za žene čije je kontrolno snimanje obavljeno u mobilnoj prikolici za snimanje, dodatno snimanje obaviti će se u mobilnoj prikolici, pošto je to za njih najzgodnije.

Molimo imajte u vidu: BreastScreen WA zadržava mamografske snimke radi usporedbe sa budućim snimkama.

Koliko je pouzdan mamogram?

Mamogrami mogu pokazati do 90% rakova dojki. Ima nekih rakova koji nisu vidljivi na mamogramu. Mlađe žene ili žene koje su podvrgnute terapiji za nadomještanje hormona mogu imati mnogo gušće tkivo dojki nego starije žene, a to može otežati uočavanje raka na mamogramu. Radi toga će se kod mlađih žena možda trebati obaviti više ispitivanja, uključujući biopsiju, jer je teško isključiti rak samo na osnovu mamograma.

Slično tome, mamogram može u početku izgledati zabrinjavajuće, ali tokom daljih ispitivanja će se pokazati da nema nikakvog ozbiljnog problema.

Kontrolno snimanje mamograma ne može spriječiti rak dojke, ali ranim otkrivanjem osiguravaju se najbolje šanse za uspješno liječenje.

Mogu li mamogrami škoditi?

U nekim slučajevima pritisak na dojku koji se koristi pri snimanju mamograma može izazvati u dojci privremenu osjetljivost ili modricu. To ne prouzrokuje nikakvo dugoročno oštećenje tkiva dojke.

Svaki mamogram koristi vrlo nisku dozu radijacije. Trenutni dokazni materijali pokazuju da izlaganje toj radijaciji predstavlja vrlo mali rizik. Korist od kontrolnog snimanja prevazilazi taj rizik.

Ženama koje sumnjaju da su možda trudne ne preporučuje se kontrolno snimanje mamograma. Ako postoji šansa da ste možda trudni, molimo obavijestite o tome službenicu na recepciji ili rentgensku tehničarku.

Što ako sada imam kvržicu u dojci ili problem sa dojkom?

Ako ste primjetili da imate kvržicu u dojci, izlučinu iz bradavice ili druge promjene u dojkama, molimo kažite to rentgenskoj tehničarki prije nego što snimi vaš mamogram. Također je važno da odete kod svog ljekara u vezi s tim simptomima, čak i ako je mamogram normalan.

Zašto bi vam trebala dati podatke mog ljekara opće prakse?

Da bi o vama najbolje vodio brigu, vaš ljekar opće prakse treba imati informacije o vašoj kompletnoj zdravstvenoj njezi, stoga volimo da mu pošaljemo rezultate vašeg mamograma. U vremenskom razdoblju između mamograma, važno je da redovno provjeravate svoje dojke i da o svakoj promjeni obavijestite svog ljekara. Predlažemo vam da i vaš ljekar vrši redovne kontrolne preglede vaših dojki.